

M E Λ X I Σ E Δ E K

C O N C I O

D E

Æterno CHRISTI Sacerdotio,

I N

V I S I T A T I O N E

Cathedrali

T O T M A K A P I T O T

S E T H I

EPISCOPI *SARISBURIENSIS*,

HABITA.

Per JOSEPHUM KELSEY ejusdem Ecclesiæ
PRÆBENDARIUM.

L O N D I N I :

Impensis GUALTERI KETTLBY, ad Insigne Capitis Episcopalis
in Coemeterio D. Pauli. M DC XCL

Imprimatur.

Jan. 26.
1691.

Carolus Alston, R. P. D. Hen.
Episc. Lond. à Sacris.

M E Λ X I Σ E Δ E K

C O N C I O

D E

Æterno CHRISTI Sacerdotio,

I N

V I S I T A T I O N E

Cathedrali

ΤΟΥ ΜΑΚΑΡΙΤΟΥ

S E T H I

EPISCOPI SARISBURIENSIS,

HABITA.

Per JOSEPHUM KELSEY ejusdem Ecclesiæ
PRÆBENDARIUM.

LONDINI:

Impensis GUALTERI KETILBY, ad Insigne Capitis Episcopalis.
in Cœmeterio D. Pauli. M DC XCL.

M E A X I E Z E K

O N I O

THE NEW YORK PUBLIC LIBRARY

ASTEN LENOX TILDEN FOUNDATION

1871

NEW YORK

THE NEW YORK PUBLIC LIBRARY
ASTEN LENOX TILDEN FOUNDATION

In Epistolâ ad *Hebraeos*, Capite Sexto,
Versu ultimo, Vicefimo.

Ὅπου ἐρρόδρομος. ὡς ἡμῶν εἰσέλθον Ἰησοῦς καὶ τὰς Μελ-
χισεδεκ ἀρχιερεὺς γινώσκουσιν εἰς τὸ αἰῶνα.

QUAM ardua res erat Humani
generis Salutem procurasse, ex
hoc potissimum elucet; quod De-
us Christum filium, non nisi omni Ho-
norum genere cumulatum, cunctis Po-
tentiaë titulis clarum, Autoritate maximè
augustâ insignitum, tanti Moliminis o-
pus aggredi voluit. Cum enim ad per-
fectam nostrî Beatitudinem tria om-
nino necessaria inventa sunt; constabat-
que Divinæ Majestatis iram placandam
esse, Humanas mentes cœlestis veritatis
cognitione lustrandas, durissimam ini-
micorum pervicaciam frangendam; nec
nisi à pientissimo Sacerdote infensum no-
bis Deum conciliari potuisse, non diù
obductas

obductas animis nostris errorum tenebras discuti, nisi à Prophetâ divinitus illuminato; non denique mundanas inimicitias acerbè reluctantes aliter quàm à Rege Potentissimo debellari; quæ singula mortales vires longè superabant, & jam conjuncta Christus solus fortiter sustinuit.

Hic Rex illustri stirpe oriundus Familiam suam à *Davidis* Temporibus sensim diminutam, tristisque per varias Calamitatum vicissitudines interitu deficientem refuscitavit, collapsum *Judæ* Sceptrum restituit, novamque condidit Monarchiam vel laudatissimis Terræ Imperiis Magnitudine, Gloria, Duratione prælucentem. Hujus muneris præsidio, Ecclesiam suam protegere, ejus perpetuitatem fulcire, hostium impetus repellere, munitiones demoliri, & quicquid est ubiq; mundani apparatus Imperio suo subungere; fidelissimos Subditos suos Fortitudine instruere, Virtute munire, Alacritate

tate perfundere, ad Victoriâ amplissi-
mis propositis Præmiis animare, & vex-
atissimâ Militiâ hac tandem perfunctos
in coelis Triumpho & sempiternæ Civi-
tatis Coronâ donare.

Hic Propheta Cœlos Terramque no-
vos condidit, totius mundi *ma. i. f. v. r. e. d. u.* or-
navit. Legem novam senescenti priori
subrogavit, eamque esse verè Divinam Vi-
tæ puritate, Miraculorum frequentia, &
magnitudine demonstravit; obscura An-
tiquorum Vaticinia expedivit, ipse com-
plevit ; Superstitionis Ethnicæ tenebras
fugavit, clarum diem inferendo. Præ-
clare Hic de monte sacro Æternitatis o-
racula pronunciat, cœlestis Doctrinæ my-
steria pandit, turbidos Animorum mo-
tus componit, Irarum æstus sedat, Cu-
piditates omnes placidæ Mentis tranquil-
litati inimicas castigat, ferocientes incu-
tæ Naturæ motus demulcet, sævamque
Barbariem in mitissimam suam Religio-
nem transire jubet. Quoties sui tempo-

ris

ris vitia infectando mirè incaluit ? Fucatam ætatis Sanctimoniam quot ictibus confecit ? Fastum, Ambitionem, Avaritiam quàm altè secuit ? Ac quid non molitus est Divinus Vates, quò omnibus animi morbis ritè curatis, vitiis radicitùs evulsis, Humanas mentes in perfectissimam virtutem erudiret, & in supremo Felicitatis fastigio securas collocaret ? Eximiis hisce Propheticæ dignitatis beneficiis non minoris momenti accedit Ecclesiam suam salutaris Doctrinæ conservatricem instituisse, Sacramentis vim spiritualem indidisse, Ministros ordine pulcherrimo distributos donorum invisibilium Dispensatores stabilivisse, eosdem amplissimâ Coelestium clavium autoritate cohonestasse ; totâq; hâc politeiâ, Divinâ arte fabricatâ, tanquam terrenum *Adami* Corpus vitali Animâ, mundanum regimen inspirasse : Ut quas fecerit Disciplinæ veteris ruinas temporis injuriâ liceat Episcopali Vigilantiâ instaurare, præcipientes

præcípites errorum cursus sistere, luxuriantes Hæreseôn impetus reprimere, languentes ac pene mortuas sacratarum Legum vires recreare, omnibusque iis officiis inhærere, quibus exequendis Ecclesiæ corpus in primævum robur ac pulchritudinem renovari possit.

Sacerdos denique Christus seipsum victimam Patri irato lûbens obtulit, quâ peccata nostra expiabat, Deumque nobis faventem propitiumq; reddebat, & coeleste Sanctuarium ingressus hoc æternum agit, ut Ecclesiæ suæ Causam omnesque res nostras, pro gratiâ, quâ apud Deum valet, suscipiat defendendas.

Hanc autem Christi Pontificiam dignitatem, si præsentî sermone totus profecutus fuero, non multum videbor (uti spero) ab hujusce diei lociq; institutis, vestraq; omnium expectatione dissidere; de supremo nempe Pontifice coram Episcopo dicturus, in ipsâ Presbyterorum coronâ de æterno Sacerdotio: Cujus pars magna estis,

tu Pater in Christo admodum Reverende, vosque Reverendi Fratres, quorum utriusque Ordo sacerrimus ut quam meruit Æternitatem assequatur, concedat, cui curæ est Ecclesia, noster Pontifex misericors, ad *Melchisedeci* Ordinem factus in sempiternum. De quo quidem *Melchisedeco* cum multa Apostolus sublimi oratione disputavit, non tamen omnem illi visum est in hâc causâ difficultatem amovere. Manet enim, ut ipse loquitur, *Abz. 6. duos quævis* tantâque Obscuritate impeditus quæ vel doctissimorum ingeniorum acumen elusit hætenùs, labores frustrata est; cum nec quis fuerit, nec qualis Sacerdos satis conveniat; non denique quæ similitudo inter illius & Christi Sacerdotium intercedat. Hodiernæ itaque Disceptationis hæc summa esto.

Primò, de Personâ Inquisitio.

Secundò, de Sacerdotii ejus naturâ & ratione Disputatio.

Tertiò,

Tertiò, Christum fuisse reverà ejusdem Ordinis Sacerdotem explicabimus.

Quartò, quem usum habeat inventa (si fortè) Veritas, quos fructus in commune ferat, quidve emolumenti hinc possit in rem nostram Theologicam redundare ostendemus; nè sterilem & infructuosam materiem colendo, inutilem prorsus operam posuisse, & ineptiis nostris nimium plaussisse videamur.

1. *Melchisedecus*, $\mu\epsilon\lambda\chi\epsilon\delta\epsilon\kappa$, $\epsilon\tau\epsilon$, quis quantusque fuit, non nisi ex duobus veteris Scripturæ locis, *Geneseos* decimo quarto, & *Psalmo* centesimo decimo datur cognoscere; ex quibus solis omnia illa, quæ de hujusce Viri magnitudine præclare ille describit, transtulit Apostolus. Pluribus Divinis testimoniis destituta in discrepantes tres potissimum sententias abiit Humana hæsitatio.

1. Prima est *Judeorum*, qui *Melchisedecum Semum* statuunt, Christianosque aliquot in partes traxerunt. Illi scilicet generis No-

bilitate superbientes *Abrahamum* (quem שמח שמר Profapiae radicem gloriantur) ab alienigenâ Benedictionem accepisse, eademque decimas tanquam superioris ordinis Sacerdoti solvisse indignati, *Melchisedecum* primò quidem Angelum dixerunt, deindè *Semum* illumq; *Abrahamo* tanquam Pronepoti suo benedixisse, sic saluum Genti suæ honorem fore arbitrabantur. Hæc autem ità se non habere multis Argumentis firmissimè demonstratur. Primò, de *Melchisedeco* dicit Apostolus ὁ μὴ ἔχων ἀρχιερέως ὄνομα. ἐξ αὐτῆς. *cujus* genus in *Historiâ Judaica* non refertur. *Semi* autem Generatio ab ipso *Adamo* continuatâ serie describitur. Nec ille ἀνέστης & ἀμύνης ullo modo dici potest, *cujus* Parentes agnoscit Scriptura, nomina deponit. Secundò, *Melchisedeci* Ordinem ab Ordine *Levítico* alium prorsus & diversum definit Apostolus, *Levitis* autem à *Semo* oriundis idem cum illo & commune erat Sacerdotium. Ordinem *Melchisedecianum* *Aaronico*

nico prætulit Apostolus, quia *Levi* illi tanquam digniori decimas solvebat; quæ Argumentatio ex hâc opinione nulla esset; si enim idem homo fuit *Melchisedecus* & *Sem*, *Levi*, qui ab utroque *Semo* & *Abrahamo* descendebat æquali ratione decimas accepisse in *Semo*, ac solvisse in *Abrahamo* diceretur, atque ex hoc non esset cur ullam præstantiam aliis præ alio jure vendicaret. Tertiò, toto terrarum orbe inter tres *Noachi* filios, submerso coelitus mundo, superstites distributo, Regio *Canaanitis*, in quâ regnabat *Melchisedec*, *Chamo* sorte contigit. *Semum* itaque in ipsis alieni Imperii visceribus adeò honorificum Dominium possedisse ab omni ratione videtur primâ fronte dissentire.

2. Succumbit pariter & altera *Cumæi* magni nominis viri, quæ *Melchisedecum* ipsum Christum fuisse contendit, haud levioribus incommodis conflictata. Neque enim ille *antrop & quærop* jure prædicatur, cui & genus à *Jehovâ* summo & Matre

Xavaiou
Jordans.
Josephus
Belli 3rd.
Lib. 7.
Cap. 18.

tre beatâ *στον τω*. Non ille certè *αγγελος*,
 cujus *βιβλον* *ημερας* Evangelistæ accurate
 descripserunt, non ille Dei filius ipse,
 qui ab Apostolo tantum *αφωρισμενος* & *υψ*
ωθη. Solutum adeo & abjectum dicen-
 di genus, ut quem sibi consimilem dicat,
 respuit prorsus Divini Oratoris accura-
 ta dicendi ratio. Si denique *Melchisedecus*
 esset ipse Christus, sequeretur Christum
 etiam tunc cū *Abrahamo* apparuit, fuisse
 Sacerdotem ad *Melchisedeci* ordinem. At
 contradicit Apostolus, qui filium Dei
 factum Sacerdotem juramento *μὴ ἔνομον* in-
 terveniente disertè affirmat. Fuere qui-
 dem (quod hujus sententiæ est Funda-
 mentum) Authores piissimi qui secun-
 dam sacræ Triados personam Humanâ
 specie se induisse crediderunt, & Patri-
 archis visendam se exhibuisse; Apostolus
 verò noster ea ipsa tempora locaq; respi-
 ciens in quibus Deus, cui *Jehovæ* nomen,
 apparuisse legitur, non nisi Angelorum
 mentionem fecit. Capite decimo tertio
 nobis

nobis commendat Hospitalitatem, quia nonnulli inscianter Angelos Hospitio exceperunt. Certè firmasset Argumentum, si ipsum Deum exceperissent: Multi Reges & Prophetæ voluerunt videre, neque viderunt, (dixit Christus) *Abraham* autem vidit diem meum; Sensu quo Prophetæ אברהם & יחזקאל videntes appellantur.

3. Tertia itaque Opinio, quam longè verissimam judicamus, *Melchisedecum* hominem mortalem asserit, urbis *Salem* ab ipso conditæ regem, quæ postea montem insuper *Moriam Abrahamo* אברהם dictum complexa, à *Davide Jerusalem* est appellata.

1. Primò itaque notandum est, pietatem veram nunquam è terris penitus exulasse, quin omnibus sæculis, temporibus iniquissimis, quosdam extitisse viros bonos, qui sese ad Legis naturalis normam (quam primævam Revelationem dicere liceat) componentes, tum Deum sanctissimè coluere, tum erga homines justitiam

etas, cùm tandem maturata esset, universis incolis exitio fuit, inventus sit iustissimus unus & servantissimus æqui.

2. Secundò, tenendum est Conjunctionem Imperii & Sacerdotii in eadem Personâ, ut qui Rex fuerit, idem & Sacerdos apud omnes gentes adèd invaluisse, ut (notante *Grotio*) vix ullâ in re major consensus gentium inveniatur. Omnino apud vèteres (dixit *Cicero*) qui rerum potiebantur iidem auguria tenebant, ut enim sapere sic divinare Regale ducebant. *Homerus* & qui ex illo sapientiam hausit *Virgilius* passim Heroas suos, id est, Principes sacrificantes introducunt. Apud *Æthiopes* Reges fuisse Sacerdotes narrat *Diodorus*, apud *Ægyptios* *Plutarchus*, apud *Spartiatas* *Herodotus*, apud *Athenienses* & plerasque Græcorum civitates *Plato*, *Romanos* idem secutos *Halicarnassæus* & *Li-
vius* nos docent. Undè etiam, Regno sublato, mansit Rex sacrorum. Imperatores ipsi à *Julio Cesare* usque ad *Gratianum*

De Impe-
rio Sum.
Potest.

per quadringentos circiter annos vigente Christianismo, Pontificatum maximum sibi fervabant. Pontificibus acclamabant sanctissimæ Synodi; & sexta Oecumenica cum Laicos ab altari arcebat, Imperatori accedere permisit.

Ἰεροσολῶν ἡ βασιλεία εἰς τὴν ὁρῶσι πάλῃ, dixit *Pelussota*, καὶ τοῦ ἱεροκράτου.

Hæc quidem Potestates, cum *Judeorum* πολιτείᾳ formabat Deus, distinctas esse voluit; nè populus tanto Sacerdotii splendore, ex coalescente regali Majestate oriundo, mentis oculos perstrictus, ulterius non expectaret, nec Messiam Regem æquè ac Sacerdotem instar *Melchisedeci* olim futurum amplecterentur.

Clarè constat ab ipso rerum initio per annos fermè bis mille quadringentos toto Orbe terrarum moris fuisse, ut tum Regnum tum Sacerdotium primogenitis cederent, qui idcirco *Chrysostomo* ἱερῆς ἀντοχῆς τέκνοι dicuntur. Igitur nec hoc mirandum de *Melchisedeco* si fuerit ut *Anius* ille *Virgilianus*,

—*Rex idem Hominum, Phœbiq; Sacerdos.*

ἀπάτωρ & ἀμήτωρ hoc est, ἀγενεαλόγητος, cujus Parentes & Genus *Hebræorum* in Fastis non citantur. Vel, quod nescio an ulli Interpretum suboluit, quo modo *Jeconias* sine liberis à Prophetâ *Jeremiâ* dictus: habuit ille filium *Salathiel*, sed qui nunquam Patris solium capeſſebat. Sic *Melchisedecus* sine patre Rege, utpotè qui primus in familiam suam dignitatem Regiam intulit. Θεὸς autem ἱερεύς, cujus Sacerdos noster Rex, pro vero & *Judæorum* Deo ab Ethnicis usurpatur, quod ex Regis *Babyloniæ* apud *Danielem* & aliquot Imperatoris *Augusti* Edictis declaratur. Atque hæc de Personâ dicta sint.

II. Sequitur ut de Sacerdotii ejus Naturâ & Ratione inquiramus.

Sacerdotii *Melchisedeciani* Rationem certius assequemur, si Legem illam quam sacerdotali suâ curâ moderabatur inveni-
nerimus. Adeò enim arctissimo nexu

conjunguntur Lex & Sacerdotium, ut
 (monente Apostolo) transferendo Sa-
 cerdotio, translatio Legis ut fiat necesse
 est. Legem itaque quam coluit & tue-
 batur *Melchisedecus*, non alium judica-
 mus, quam quæ Naturæ dicitur, Tra-
 ditionibus quibusdam ab ipso *Adamo*
 transmissis aucta vel *Noachidarum*, quæ
 dicuntur, Præceptis explicata. Hanc in-
 temeratam dum servabat Primus Pater,
 statum Innocentiæ (amabile nomen !
 res diuturna si fuisset) condidit ; tantâq;
 felicitate usus est, ut à multis disputetur,
 num quicquam divinius illum vel in
 coelis maneret olim. Fortunatam Ani-
 mam ! Deo plenam ! æternæ rationis mo-
 nitis dum obsequentem. at ! *Fuit ingens*
Gloria. Hanc ducem nacti Humani ge-
 neris Principes omnia tum erga Deum
 Pietatis, tum quæ civilem societatem au-
 gere solent, Officia adimplebant. Non
 alio Doctore instructi Patriarchæ pii De-
 um precibus flectere, per illius nomen
 sanctè

sanctè jurare, illi honorem conspicuum
 adhibere, vota facere, coetus publicos
 indicere, aras struere, sacrificiorum ritus,
 aliasq; quæ ad Religionem spectant, Cæ-
 remonias ordinare didicerunt. Hujus In-
 stitutis innixus *Enos* pulcherrimum vitæ
 Curriculum habuit, & cum Deo ambu-
 lasse dicitur. Et *Abrahamus*, postquam
 Idololatriæ genti valedixisset, suiq; Pa-
 tris Imagines Igne conflasset, fortissimâ
 in verum Deum fide clarus, ejusdem
 Amicus augustissimo Titulo celebratur.
 Hæc æternæ Legis virtus est, hæ rectæ
 rationis vires, quas quicumque hauserit,
 iisque animum altè imbuerit,

Ἐν τῷ ἀδελφῷ, Θεὸς ἀμφοτέρω ἐκ τῶν ὁρίων.

Ut *Melchisedecus* noster Immortalitatem
 spirat, imò in se habet. Certè par est
 credere, hunc ad cujus Ordinem factus
 est *Jesus* sanctissimus, sacerdos; hunc,
 tanto Elogio dignum ut fuerit ἀφωρισμένος
 ὁ υἱὸς τοῦ Θεοῦ, cæteros omnes præci ævi He-

roas

roas virtute non æquâsse solùm, sed etiam (ignoscent sublimes animæ) superâsse. Nec aliter puto huic, licet Maximo viro, convenient illa ab Apostolo mirificè attributa, nisi ut Legis Naturalis Antistes fuit, ejusdemque acerrimus Propugnator. Quid enim! Vivitne etiamnum in terris, (quod de Sancto *Johanne* aliquot Græci somniârunt) in lucem hominum aliquando se daturus? Nemo dixit. Vivit in coelis? Pariter omnis vir bonus est æternus. Non moriebatur, sed *Enochi* instar terram cum coelo vivus commutavit? Tacet Scriptura. At si concedamus hæc non tam Personam quàm Legem, quam egregiè procurabat, respicere, jam fugiunt tenebræ & in clarissimâ luce versamur. Equidem ea omnia, quibus grandescit *Melchisedeci* dignitas, de Lege Naturali ab aliis Scriptoribus prædicantur. Hanc video (scripsit *Cicero*) sapientissimorum fuisse Sententiam, Legem neque hominum ingeniis
niis

niis excogitatam, neque scitum esse aliquod populorum, sed æternum quiddam: *Philoni* νόμος ἐν αἰδιότητι θεοῦ, quæ nec ab ipso Deo dissolvi possit. Optimè vero concordant Versus ex *Sophoclis Antigona* de hâc Lege recitati,

’Ου γάρ τι νῦν ἐστὶ θεός, ἀλλ’ αἰεὶ πᾶσι
Ζῆ τῷτο, καὶ δὲ οἶδεν ἐξ ὅτε φάνη.

Melchisedecus μαρτυρέμενος ὅτι Ζῆ, pariter αἰεὶ Ζῆ τῷτο. Ille μήτι ἀρχὴν ἡμεῶν, μήτι ζωὴς πᾶσι θεῶν, hanc ἐδὲ οἶδεν ἐξ ὅτε φάνη. Tantum denique nimum Legi Naturali tribuerunt Scholæ, ut Divinam voluntatem, Æternitatem ipsam antecedit. Hoc itaque fixum maneat, Legem cujus Sacerdos erat noster Rex, fuisse puram Naturalem; quæ quia æternas rerum rationes continet, meritò & ipsa æterna celebratur, æternitatemque suam Sacerdoti suo, fano sensu imperivit. Hujus autem Sacerdotii Partes & distincta Officia, de Benedictionibus, de Decimis, de Sacrificiis, aliisque ex ipsis

sis Naturæ fontibus, ducente rectâ ratione, derivata, & latissimè se diffundentia, vix nominare patitur brevis hora, nedum pro tantâ Materiæ dignitate dilucidare.

III. Tertiò itaque, Christum fuisse ad ordinem *Melchisedeci* Sacerdotem breviter explicabimus. Hic Æternæ Legis magnus Instaurator, Naturæ lumen longâ succrescentium vitiorum Caligine obscuratum denuð suscitavit. Rectam rationem, optimam Divinæ Imaginis partem, pessimis erroribus deformatam in integrum restituit. Quid enim complectitur Evangelium extra Præcepta Credendi, & Sacramentorum, quod non sit juris verè Naturalis? Durissimum illud, ut alii pro aliis mortis periculo nos objiciamus, non solum laudârunt Ethnici sed & executi sunt. Hinc Lex Christiana Græcis patribus toties Philosophia dicta est, quæ scilicet omnia Moralis Sapientiæ officia magnâ perspicuitate excoluit,

luit, invictis Argumentis fulcivit. Testor
 Divinam illam Concionem, quam Jesus
 ad Discipulos primam habuit; in quâ
 hoc enixè agit, ut rectæ rationis Maje-
 statem impiis vel ineptis Pharisæorum
 traditionibus (tanquam injectis Catenis)
 vinctam, atq; captivam in primævam glo-
 riam ac libertatem vindicaret. Quas lau-
 davit virtutes, Mititiam, Humilitatem,
 Justitiam, mentis Puritatem, &, quæ vel
 inimicos amplexibus suis comprehen-
 dat, Charitatem, nonnè agnoscit cujusq;
 animus cognatas veteres? Nempè quo
 modo sub inculti ligni deformitate la-
 tet *Palladis* Imago, latent *Praxitelia* capi-
 ta, quæ tum demùm apparent cum quic-
 quid visui obstabat dolando Artifex ab-
 stulerit; ita mentibus nostris insitas vir-
 tutes, Naturæ inhærentes, vitiorum rude-
 ribus liberatas inclarescere fecit summus
 felicitatis Humanæ Fabricator. Certè
 Christus Divortii politeiam à *Mose* Civi-
 bus suis concessam emendaturus, Primam
 D Matri-

Matrimonii institutionem appellat. Quæ definitio & in Polygamiâ, utcunque Patribus indultâ, locum habet. Inde clarè edocti sumus, illum omnes Humanæ vitæ rationes ad rectam rationem voluisse revocare ; illam autem esse rectissimam quæ sub *Adamo* innocenti, quàm minimâ peccandi libidine depravata, Divinum Authorem referebat. Cùm totus mundus in *Judeos* & *Gentiles* (sectione valdè inæquali) divisus sit, & Lex æterna sub amborum Tyrannide miserè vexata laborasset, subvenit Christus, qui coelesti Autoritate fultus, eam erroribus, quibus gravissimè detinebatur, eripuit ; & in pristinam, quâ ante Legem *Mosis*, vel firmatas *Gentilis* Superstitionis vires, gaudebat, libertatem reposuit. Lex *Mosai-ca* grave jugum Christo dicitur : Nec alia Libertas ab Apostolo laudata, non alia perfectâ Lex *Facobo*, quàm quâ sub Lege Naturali positum Humanum genus fruebatur. Hoc itaque commune Fundamentum

damentum habent Sacerdotium Christi & *Melchisedeci*, quodd æternam Naturæ Legem egregiè uterq; (majori autem cum gloriâ Christus) adornabant. Aliâ quidem ratione, sed quæ *Melchisedeco* minimè convenit, manet Christus Sacerdos in æternum: Coelum scilicet ingressus, seipsum Victimam pro peccatis nostris cæsam, coram in præsentia Dei sistit, & Sacrificii sui vi, ut Pontifex noster, nos Deo perpetuò commendat. Sacrificabat *Melchisedecus* non solum pane & vino (quod nonnulli arbitrati sunt) sed pro more sæculi cruentis etiam usus est. Christus autem unico functus Sacrificio perpetuam sacrificandi Cessationem jussit. Nisi quod de *Adamo* dixit *Judeus* quidam, illum ante peccatum totum fuisse Sacrificium; ita nos (hortante Sancto *Paulo*) præstemus corpora nostra Hostiam viventem, sanctam, acceptam Deo, qui noster est Cultus rationalis. Ad hanc similitudinem, quam inter duo Sacerdo-

tia aſtruimus, referri debet, quod *Melchisedeci* inſtar Regis & Sacerdotis, Chriſtiani à Sancto *Petro* βασιλεὺς ἱερεὺς regale Sacerdotium appellantur : & non ſemel tradidit Author Apocalypſeos Chriſtum nos feciſſe Reges & Sacerdotes
 ἱερεῖς τοῦ αἵματος, ἀρετῇ καὶ πνεύματι καὶ φωνῇ

Compoſitum [ad Naturæ Legem] *jus, faſque*
animi, ſanctosque reſceſſus
Mentis, & incoctum generoſo pectus honeſta.

Abrahamum, Isaacum, Jacobum, reliquosq;
 qui ante Legem florere Patriarchas Divini cultûs obſervantiſſimos ſabbatizâſſe negant è ſanctis Patribus non pauci. Ex-
 tat pariter inter veterum *Judaorum* effata,
 Omnes dies Meſſiæ erunt unum Sabbathum. Tanta erit aurei iſtius ſæculi, &
 vera pietas, quæ per omne temporis ſpa-
 tium latè ſe diffunderet, nec cujuſque
 diei terminis includeretur.

Denique

Denique ut hunc comparandi locum
finiamus, *Melchisedec* Dei iheru Sacerdos fu-
it. Nondum enim sacratissimum *Jehova*
nomen, (quod longo post intervallo ab ip-
sius Dei ore primus accepit *Moses*) mor-
talibus innotuerat. Vicinarum scilicet gen-
tium seu Atheismum, seu Polytheismum
exosus impietatem omnem, Idolorum cul-
tu se sustentantem, è Civitate suâ extermi-
navit. Quantam autem mentis Puritatem,
ab omni terrenâ Fæce se abstrahentem,
in sacris Religionis mysteriis celebrandis
injungat Lex Christiana, res ipsa loqui-
tur: Quantosque Triumphos de Ethni-
câ Idololatriâ egerit, mirabitur quisquis
vel afflictissima nascentis Christianismi
tempora cùm animo suo reputaverit. Im-
piè itaque ludebant insulsa *Judeorum* in-
genia, dum ut sanctissimum Jesum falsæ
Religionis infamarent, illum non *Abra-
hami*, unius Dei cultoris (quem Titulum
sibi ipsis vendicabant) sed *Theræ* Idolo-
latræ filium, satis pro invidiâ, divulgârunt.
Atq;

Atq; hanc originem, credo, habuit calumnia illa *Celsi* apud Origenem de beatâ *Mariâ*, illam ex milite cui *Pantheræ* nomen peperisse. *Panthera* Talmudicis פנתרה *Pandira*, etiam פנתרה *Panthera*. Si facili mutatione scribamus פנתר, filius *Theræ*, jam evanescit crux illa quæ adeò torfit Criticorum filios.

IV. Si quæ hucusque fidelissimâ indagine pressimus vestigia ad veritatis Habitaculum monstrâsse viam vobis, Auditores Reverendi, videantur. 1. Qualis jam exsurgat Theologia (vestra cura) paucis haud pigebit contemplari. Non illa quam ostentant magna illa Corpora Theologiæ falsò dicta, vel quæ millies cocta Systematum Crambe Lectores penè enecavit; non illa deniq; quam semper parturientia Hæreticorum ingenia Ecclesiæ pestem pepererunt, (licèt hæc nostri sit Officii non ignorâsse;) querula hæc & fastuosa, paci inimica, quâ non majus malum existimo in rem Christianam

nam

nam invasisse. Quam verè hic intue-
mur Theologiam, ex ipsa aternâ mente
Humanis animis illapsa cunctas intelle-
ctualis Mundi partes rectè beatèque
vivendi scientiâ complet, atque exhila-
rat. Quæ & ipsa sub brevi Innocen-
tiæ Regno cùm primùm apparuisset, de-
inde gravi ac diuturno falsæ vel inuti-
lis Religionis morbo oppressa penè con-
ticuisset, sub innocentissimo Jesu tan-
dem revixit, omnes quibus bona mens,
ultima in coelis felicitate beatura. Ju-
vabit equidem varios quos in terris
subiit coelestis Progenies labores & di-
scrimina audire; florecentis rectæ Rati-
onis incunabula, vetustum tanquam sa-
crumque Monumentum venerari, Re-
gales fascias deosculari, ipsos vagitus
nôsse, primaque loquendi Tentamina
intellexisse. Quâ Majestate infantilem
ejus ætatem Ænigmatis & involucris de-
coram ornârunt *Ægyptii* Sacerdotes;
quantis laboribus contendebat *Græcia*
illius

illius gratiam demereri, & tandem sibi quasi propriam vendicabat. Quàm magnificè sub *Platone* differuit, indignè ab *Epicuro* in^{vis}isa, tetricum vultum induit sub *Zenone*, sub *Pyrrhone* nulla fuit, ab *Aristotele* edocta, planè & accurate pronunciavit. Variasque tum flantis tum reflantis *Fortunæ* viçes experta, Auspice Christo, novâ Revelatione munita æternum sibi Imperium stabilivit.

2. Magnas insuper vires habet hæc Sacerdotii Christi explicatio ad componendas quæ de *Adiaphoris* in Religione moventur lites. Si enim ea sit ratio Sacerdotii *Melchisedeciani*, quæ & Christi, ut in tractandâ Religione cultuque Divino, ex Legis Naturalis rectæque rationis monitis versetur, nostrumque Sacerdotem Ecclesiæ paci, Animarum salutis optime consuluisse necesse est ut fateamur, quò tot clamores, Nihil in Religione adhibendum quod in Scripturâ

turâ non sit plenè explicatum? Cum ritus, quicunque neque à Deo vetantur, neque à rectâ ratione alieni sint, absque ullius hominis Christiani injuriâ possint usurpari. Observatu non indignum est, omnes nascentium Regnorum Leges arctissimâ brevitate componi; idem & in Ecclesiâ Christianâ magnâ cum sapientiâ comparatum est, ut Leges generali quâdam Significatione conceptæ particularibus cujusq; gentis Moribus adaptentur. *Ad Divos adeunto castè* prima est Lex duodecim Tabularum; quibus verò ritibus, Pontificum erat definire.

Nè quid detrimenti capiat Respublica, in Mandatis habebant *Romani* Magistratus, quibus verò artibus salva foret, ipsorum erat dijudicare. Omnia fiant decenter, Lex est ditissimæ sapientiæ cujus vi Ecclesiæ Præpositi auctoritatem habent Cæremonias quascunque jubendi, quæ Pacem & Pietatem pro-

E movere

movere possint. Valdè sunt ridiculi qui Cæremonias nostras tanto cum hiatu adoriuntur, quod significationem quandam Officiorum præ se ferunt; quantas rixas, si nihil significarent, excitaturi! Certè, ex tribus tantâ cum injuriâ exagitatis Cæremoniis duas sub ipso *Melchisedeci* Sacerdotio, omni tempore, locoque ubicunque recta ratio locum habuit, floruisse plusquam verisimile est; tertia est purè Christiana. Ut appareat non alias jubere Ecclesiam nostram Cæremonias, quàm quas tum nati tum renati mundi pia sapientia agnovit, amplexata est. Mirandumque est inventos esse viros Eruditione claros qui, summo optimè moratæ Antiquitatis cum opprobrio, nonnullorum ignorantiam vel pervicaciam studuerunt demereri.

Genua flectendi Mos colendo Deo, ex ipsâ Naturâ petitus meritò videatur, cum non solum multa Veteris Testamenti

menti loca ejus vetustatem statuunt, sed
 & verbum Hebraicum כָּרַע utramque sig-
 nificationem genua flectendi, & benè pre-
 candi contineat. *Eustathius ad Homerum*,
 τὸν καμψὲν ἐπὶ προστάγῃς & ἐπὶ ἐκείλῃς. Et alibi,
 κάμπτεται δὲ καὶ γόνυ & ἐπὶ καμῖς ἀνδρὸς ὑπερέχοντος & ἐκείδοντος.
 Genuflectio est tam Honoris quàm Sup-
 plicationis modus. In Eucharistiâ ce-
 lebrandâ primi Christianorum sede-
 bant *Arriani*; qui cum indignè de Per-
 sonâ Christi sentiebant, debitam me-
 moriæ ejus reverentiam denegabant. Vi-
 deant itaque illi qui nobis genuflecten-
 tibus Papismum objiciunt, nè seden-
 tes ipsi veriùs Arrianismo studere di-
 cantur.

Color autem albus præcipuè deco-
 rus, dixit *Cicero*. Sacerdotes *Ægyptios*,
Persas, *Athenienses*, lineis Vestimentis u-
 sos testantur multis *Herodotus*, *Thucydides*,
Apuleius. Apud omnes niveus color Sa-
 cris proprius : Unde Sacerdotes qui-

dam Idololatræ sacris scriptoribus מדרס
quod nigris vestiti sacrificabant.

Φαδρά μὲν ἑβραίοις, χθονίοις δὲ ἐναλίγκια χροίη.

Quatuor Vestes Sacerdotibus Mosaicis
Sacra obeuntibus gestandæ albæ fuerunt.
At hæc infinita sunt.

De Crucis denique Signaculo in
Baptismo, non est quod erubescat,
glorietur potius Ecclesia Anglicana:
Quæ optimè novit, quàm summâ cum
Religione obtinuit hujus Usus tem-
poribus Christianismi maximè incor-
ruptis. Haud difficile esset alios quoq;
Ecclesiastici Regiminis ritus antiquita-
tis Thesauris depromptas exhibuisse,
ut ex illo constaret inter Christum &
Melchisedecum, Legem Naturalem &
ex Revelatione factam convenientia, &
ut Sacerdotale Christi Officium nul-
lam hinc patiatur injuriam vel dimi-
minutio-

minutionem, augeatur potiùs & compleatur ; at negotia quæ vos manent diutiùs jam moratus sum.

Faxit itaque Pontifex noster ut Ecclesia Anglicana, quæ fluctibus quibus diù jactata est, tandem emersa caput exierit, Veritatis ac Pacis conservatrix floreat ; nec unquam res suas eò redactas sentiat, ut cum utriusque dispendio, inimicorum cogatur captare malefidam gratiam ; quam, magno emptam, tempus erit cum intactam serò optaverit. Insulam tenet Ecclesia nostra toto Orbe sejuncta, quam nullus *Isthmus* cum *Româ*, non cum *Genevâ* conjunxit ullus. Hoc Votis, Studiis omnes agamus, ut in libertate, in quâ nos Christus asseruit, stemus, nec rursus servitutis iugo teneamur. Quod si fugientem Optimam Religionem sistere, ac retrahere non possimus, sequemur ;

quemur ; & post eam libentissimè expirabimus. Optandum tamen, vivat ut illa, vivatis & vos, & quicunque periclitantem Matrem adjuvare velint, levare curas.

F I N I S.

E R R A T A.

PAG. 4. lin. 22. *lege injuria.* P. 8. lin. 2. מְדַבֵּר. P. 10. lin. 11. *Mechisedaci.*
P. 12. lin. 10. מְדַבֵּר מְדַבֵּר. P. 24. lin. 5. *Apocalypses.* P. 25. l. 17. *cum.*

BOOKS lately Printed for WALTER
KETTILBY, at the Bishop's Head in
S. Paul's Church-Yard.

BISHOP OVERALL's Convocation-Book
1606. concerning the Government of God's
Catholick Church, and the Kingdoms of
the whole World, 40

Mr. *Raymund's* Pattern of pure Religion.

—— Exposition on the Church Catechism.

Mr. *Lamb's* Dialogue between a Minister and his
Parishioner, about the Lords Supper, 80

—— Sermon before the K. and Q. *Jan.* 19, 1689.

—— Sermon before the King and Queen *Jan.* 24.

Dr. *Worthington's* of Christian Love, 1691. 80

Dr. *Kidder's* Reflections on a *French* Testament.
Printed at *Bordeaux*, 1686. 40

Dr. *Sharp's* Sermon before the Queen, *Apr.* 11. 1690.

—— Fast Sermon before the Honorable House of
Commons, *May* 29, 1690.

Dr. *Hickman's* Fast Sermon before the House of
Commons, *Oct.* 19, 1690.

—— Sermon before the Queen, *Oct.* 26. 1680.

Dr. *Pelling's* Sermon before the King and Queen,
Dec. 8, 1689.

—— Vindication of those that have taken the
Oaths, 40.

Dr.

Dr. Grove's Sermon before the King and Queen,
June 1, 1690,

Dr. Hooper's Sermon before the Queen, January
24, 1690.

Polemio-Middinia, Carmen Macaronicum. Au-
tore Gulielmo Drummundo Scoto-Britanno: Accedit
Jacobi id nominis quinti, Regis Scotorum Cantilena
rustica vulgò inscripta *Christ's Kirk on the Green*.
Recensuit, Notisque illustravit E. G. 40

